

secundum erroneos vulgi conceptus loqui hiante eru-
 ctant ore, provocare gestiunt ad ἀνθρωποπάθειαις, creden-
 tes quippe, hominum per allucinationes primum membra
 corporea, aliasque humanas proprietates DEO adscripta
 esse, mox verò Spiritum s. κακοζήλια quasi quadam hisce
 hominum erroribus se accommodasse, atque inde ocu-
 los, aures, brachium, manus, pedes, inde affectus, im-
 perfectionis labem continentes, dolorem, lætitiā
 pœnitentiā, iram DEI omnibus sacrarum literarum,
 paginis inculcari. Enim verò dexterrimè hocce *Cartesi-
 anorum* telum retudit *Joh. Brunsmannus in Gratia Natu-
 ra Interprete Lib. 3. Cap. 15. p. m. 142. sqq.* Recentissimè
Johann Clericus alio paulò modo optimas sollicitare occe-
 pit ἀνθρωποπάθειαις, docere, Gentiles, ἀνθρωποφύεις Numen
 veneratos, Lingva sua vernacula, quam Hebraicam esse
 profitetur, DEum, ut hominem, partibus, membris,
 proprietatibus humanis præditum, necessariò delineasse,
 postmodum verò, ubi populo DEI hebraica lingva in
 peculium cessit, à Scriptoribus sacris tales locutiones
 in imitationem tractas, ac retentas esse, Deoque ἀνθρω-
 ποπάθειαις pariter partes, membra, proprietates homi-
 num tribui, adeò ut propitia, si ipsum audis, veritate,
 bonæ ἀνθρωποπάθειαις Gentilismi anterioris rudera exi-
 stant ac vestigia. En fingendi libido!

§. II. Verum enim verò, quid distent æra
 lupinis dispiciamus, larvamque monstro detrahāmus,
 necesse est. In id itaque omnes animi nervos intendere,
 animum induxi, ut συνθεῖς παλάμαι, ad oculum demon-
 strem, ἀνθρωποπάθειαις minime omnium Gentilismo originem
 debere, atque vitam, aut, quod eodem recidit, easdem
 nullo modo pro vividis Gentilismi vestigiis agnoscendas esse.

Hoc